

Tsi nihonnathró:ri ne 2015 Iohserats ne'e sontkèneses ne ratiksa'okón:'a tahnnon ne kahwátsire raoteríwake.

“Ne tsi nioht rotihiáton ne ohentónhson”

Ne kiken seskehkowa 2014, ne Ahsen watóntha' ohentónhson wa'thatiia'tórehte ne ratiksa'okón:'a tahnnon ne kahwátsire nahó:ten ratiéenas kaianerenhséra ne'e wahonthró:ri. Ki:ken nón:wa rontkèneses ne'e ne kóra raonhatshera ne ratiksa'okón:'a tahnnon nithotiiéenas raoteríhwake ne'e kiken tionterihwatewéinton ne ohentónhson thoti'skwahronnion ne'e senha ioianere ahoti'nikonhraiénta'ke tsi nioht ne kaianerenhse tsi nihontierha tahnnon tsi nikarihóten ne'e ronónha eh nahatíiere.

Ne'e ne ahonwanatetshénnon ne ahontiáteren tahnnon ahonthró:ri nahó:ten ne'e nahatí:iere. Tsi nikaieren ne 2015 akwé:kon wahontkénse, ne'e ne é:so ionáktote ne'e áhsiron tsi nioht tsi táhsteni tóka óni éron nónka nóntawe ki:ken owenna, ne'e kí:ken wahatikwatakón tahontawennóten nahó:ten ne'e rónton ki:ken nón:wa tehon'tihanion ratiksa'okón:'a, nithotiiéenas, kahwatsirakéron tahnnon ne nahó:ten thonwanáwis ne kéntho Ontario tsi nihoterihóten ne kaianerenhséra tsi nioht tensa'nikonhären tsi ronónhe' tahnnon tsi nioht ne kaianerenhséra ne'e ne akakwé:ni aka'satstén'he toka' óni iah e'h téioht.

Nahó:ten wa'onkwahronká:ten

Tsi nahe thotirihowanáhton ne 1985 ne ratiksa'okón:'a tahnnon ne kahwátsire thonwanáwis kaianerenhséra ne'e éns ne ken'nikariwes sahontken'sénnion tahnnon setewakwatakón. Ne thóha ne akwé:kon wahontiátaren ne sahontkátho' tahonterihóten onen iákàhewe ne Ontario tahatíia'tórehte ne tahatiténí, ne ne'e thonónhtons é:so nia'tékon tehotenátaton ne nia'teioríwake tahnnon ronwatiia'takenhas ne ratiksa'okón:'a nithotiién:sas tahnnon ne raotihwátsire.

Ne ókwe é:so eh nónew iahatíren tsi nihoti'nikonhró:tens ne nahó:ten nahatí:iere ne kaianerenhséra'okón:a' ne'e ne aónton onhsakahwatakwen tokat óni' senha aionianereke tsi nakaiénron'tó:toke ne'e karihón:ni enhotíia'takenha ne ratiksa'okón:'a tahnnon ne thotiiéenas, ne'e karihón:ni senha í:nón nenhénwe ne nahó:ten tehonnatónhwen tsó:ni tahnnon nahóten óni roti'nikonhró:ri. Ne thonwanáwis kentiohkwaíen ne thotiiéenas tahnnon raotiwátsire tehonatónhwentso:ni ne kaianerenhséra'okón:a' ne ahontkátho tsi nioht wa'tewa'téní tsi tehotate'nikonhró:ri, tsi ne'e ónen kaia'takwe'ní:io tsi teionhwentssakhánnion ka'ok nón:we 30 niohsérake, tahnnon ahontkátho nahóten nioht ahatikwatakón ne Ontario ne ohenton wétewe. Ne'e nohk ne wahaterihwakwatakón onen kwah ónew eh nón:we ronte'shennón:ni tsi nón:we tiaonhá:'a tetiotónhwentsohon takaténnon, é:so kí: nahó:ten nahatíieránion ne tsi nioht ne kaianerenhséra awá:ton ne senha ahonwatiia'kenha ne ratiksa'okón:'a tahnnon ne nithotiiéenas.

- ***Tsi niiht tehotiia'torehton, tsi nithonnáwis, raotiwénna ne ratiksa'okón:'a*** tahnnon nithotiiéntas. Tsi niionkwétake e'tho nón:we rotiiátare rotitiohkwánen nithotiién:sas tahatiswa'nentha ne' enhotiiéntake ne CFSA senha nioianéreke enwatan'tonnihséke tahnnon akwé:kon tawátieste tsi niiht rontkáthos ne nithotiién:sas ne'e senha wahatiiánerénhste ne'e ne CFSA ne thótsi awatónheke ratiksa'okón:'a tahnnon ne nithotiién:sas kwah sha'tewahsénnon ontakaiérike' ne ronónha raoterihwake tahnnon thohtsi aka'sátsteke ne'e akwah tsi nihatiwennótsens.
- ***Tohsa eh naia:wen tahnnon ontahontiswa'néta***
Kahwatsíre nithotiién:sas tahnnon ne thonwanáwis ne' etsháka sahontkátho' ne kató:ken nahó:ten tahnnehta'kwe ne'e ne CFSA thótsi ahaterihowanahte ne othenon iah e'tho thaiawen tahnnon ontahatiswa'néta, ká:ron tsi niiore tensatikhannion ne senha é:so aka'sásteke ne' iah e'tho thaiá:wen toka o:ni iah othenon thaiá:wen ne'e oni ne awá:ton iaweronhatie kátke othenon taka'nikonharén aónton káti ne'e ahontkátho'.
- ***Enwá:ton ienhati:kon tahnnon ne kaia'takenhatshera***
Ne onkwe tewéne to': nikon ne' wahonníron tsi niiore niiorihowánen ne akwékon awá:ton ahatiiéna ne éneken tio'ténnion oriwa shé:kon ne tsi niiokwarihotén tahnnon oni tsi nón:we tewanakere.
- ***Tewa'tihannion tsi niionkwe'to:ten tsi niiht tewahia:tons tsi niiht teionhwe'tahkwen tsi non:we niionkwe:non tahnnon ne otia'kwe rotitsi:io.***
Ne ratiiá:tare wahonttoke ne CFSA iah ne' kaneka tewatena'ton:ni tsi niiht tetewa'tihannion kwah tsi niiht ne Ontario, ne'e karihon:ni othenon tontakahrenhon ne ratiksa'okón:'a ne nithotiién:sas enwatan'ne enhonnateriéntarake tsi nihatiia'tó:tens tsi nón:we thonehtákwen tahnnon tsi nihatiwennó:tens. Ne ratiiá:tare ne'e wahonní:ron ne kató:ken nahó:ten ahontiién:take tahnnon ne'e óni ontahotiswa'né:ta ne'e tsi wahonnise'kenha tahnnon tsi nihonhtónne e'tho niiht nén ne onsahati'nikonhraien:ta'ne ne'e awathró:ri ne CFSA aorihwake.
- ***Tenwa'tíhen tahnnon enionhtennionhàtie tsi niiht tenhotísne kí:ken tsi niiht kahia:ton ne tenwátiha (Ne tenwa'tiha tsi niiht eniontehiá:ron e'tho nón:we ne ieksa:'a nithotiiénha tsi niiore enhontehia:ron e'tho nón:we enkahiátonke)*** Teion'teionhanie ne ratiksa'okón:a tahnnon nithotiién:sas tsi niiht thonwaná:wis tahnnon teio'tenionhàtie tsi niiht tenhonwatisnie kwah tsi niiore enhontehiarónnion ronónhá:'a tsi niiht rati'tarón:ton ne'e akwah thatiketskwas tsi eh nón:we tsi tei-tonhwentsóhon tahatiia'tórehte ne CFSA, ne ratitiohkwaién nen ne ahontkátho tsi nihonnonhes e'tho nenionhtonke ne tahontísnie' tahnnon enhonwatiénawase ne rotikstenho'kón:'a ne'e akwah tiorihowá:nén ne enhonwatiénawase ne'e karihon:ni enwá:ton enhontkátho tsi nia:wens ne ratiksa'okón:'a tahnnon ne kahwá:tsire.
- ***Wahóntka'tho nahó:ten ne' tshá:ka tehoti:nionte:***
Ne ratitiohwaké:ron wahonní:ron tahnnon wahonwatihró:ri ne CFSA ne ahatiiahntírha'ne ne (Systemativ Challenge) ne'e takenináshonte ne ionténrah tahnnon ahonwatiénawahse ne kahwatsiraké:ron ne iah ne'e e'tho niiht ahati'teróntake.
- ***Enhontkátho nahó:ten ókon tehonti'nikónrhare ne kahwatsirakéron:***
Nén ne ronaterihonte ne ahonwatiíhnahe ne CFSA ne ahatiiéntaren'ne nahó:ten ókon tehoti'nikonrharen'ne ne tekenináshonte rotíten tahnnon ahonwatiénawahse ne kahwatsirakéron ne iah e'tho thaionhtonhake.

Enhatikònnionste' tahnnon enwénen'ne ne owénna tsi kaianerénhsera:

É:so kí:ken tsi nioht wahaterihwatshénri ne onen wahóntken'se ne'e ne toka tahatité:ni tsi nioht rotikwatakwen ne CFSA ne'e karihón:ni senha watiehsá:ke enhonti'nikonraiénta'ke ne ka'nisténhsera tahnnon ne nithotiiénsas ne'e onen enwatena'tónhahse ne senha enhatikówanahte tahnnon enhontahónhsatate ne nahó:ten nahó:ten thoná:wis ne ratiksa'okón:'a tahnnon othénon enkaia'tatónhake kí:ken ne ronónha thonáwis e'tho nón:we enska ne'e enwátake tsi kaianerénhsera ta'nón:wa óni akwé:kon tenkaiestónhake ne nahó:ten iah tetho'nikonhrí:io akahiatónhake, iah eh thaionhtóhake é:ron ok' nón:we akahiatónnion tsi ní:wa ne kaianerénhsera.

Ne ratitiohwaké:ron ne'e wahnóníron ne toka ahonon'neke tsi nihatiwennó:tens ne CFSA tsi níkáien ne wahontkátho ne aiénrhe' iorihwakaíon, iah tewéne nahó:ten tahnnon ó:ni akwé:kon ronnerhe' eh nioht ne onkwehónwe. Ne'e wahnóní:ron kí: nón:wa owénna iah thaónton ne'e ahóntste tsi rotitiénhaien ne senha ioiánere ne onen enhóntste ne onen tsi nihatiwennóten, ne ióhskats tsi nioht onsaka'tshásten'ne. Ne ratitiohwakéron ne'e wahateri'wanón:ton ne wé:ne tsi nihatiwennó:ken owénna, e'tho nón:we awátake tsi kaianerénhsera, akwé:kon ahonnate'saiéntake tsi nikawennó:tens (na'tetiorihwaieráton) ahaia:kenhwe kí:ken owénna, ne'e ó:ni ne onkwehónwe tsi nihatiwennó:tens.

Enhonwatiiátakenha ne nithotiiénsas tsi níkáien ne tehonatonhwentsó:ni tahnwatiiáta'ton.

Ne ratitiohwaké:ron ne'e nithotiiénsas tahnnon tahatiswa'néta, tsi nioht wahaterihón:ni ne ónen wahatiweienénta'ne wahatihiá:ton ne nithoién:sas tsi nón:we ronwatiiá'takénhas rotiió'te ne'e ronwatina'tónhkwa ne'ne kí:ken kahiatónhsera ne tahatihnóten tsi nioht teio'tihen ne ratiksa'okón:'a ronwataten'nikón:rare. É:so kí:ken wahaterihwa'nírate ne tsi ne'e teiotonhwentsóhon tahnnon teiósterihat né:ne tsi na'tehonohseriiákon ne ronwate'nikón:rare ne:ne akaharatónhake tsi na'tehonohseriiákon ne 11 tsi níiore ne 18.

Ne ratitiohwaké:ron ne thóhtsi e'tho na'kaiéren'ke ne'e ne senha rotiksténha rononhkwétase ne:ne (ahontiiá'takénhna) ronónha ahateri'wanónton, ne'e tsi kí:ken enhontina'tónhahse tsi nioht rónnerhe' ahonónheke, nohk só:tsi tehonatonhwentsó:ni ne kaia'takénhatshe, ahontàweia'te, tsi nihotinikonhró:ten, tsi óni naionhtónhake ne kaia'takénhatshe enhóna:tonhse ne né:'e enhotiiá'takénhna enhonata'karíteke tahnnon ioiánere tsi tahotiiá'toréheke.

Kahiatonhserahkwe'ní:io tsi nón:we Enhati'teróntake

Ne ratitiohwaké:ron ne'e á:re sahóní:ron ne takateniónhake tsi nioht kahiatonhserón:ni, kató:ten tahnnon awatena'tonniéhseke ne'e iorihonwá:nen nen ne'e enhatíhsere ne ratiksa'okón:'a ronwati'nikón:rare tsi nón:we ahati'teróntake tsi ó:ni nahoti'niho:rake tahnnon tsi nón:we rontonrihsentákhwa thonwanáwis ne'e karihón:ni ne'e tenkiátera'ne ne nahó:ten tehonatonhwentsó:ni ne ratiksa'okón:'a tahnnon ne thotiiénsas. Énska nahó:ten tiaonhá:'a tiorihowá:nen wahaterihwatshenri ne ratitiohkwaíen ne iah tha'teiohsterihat tsi nioht rona'tkathwenhátie tahnnon tsi naionhtónhake ne'e ontahatiswa'nétane ioianérke tahnnon ahonata'karíteke ne ratiksa'okón:'a tahnnon ne nithotiiénsas ne'e ahotiien:ta'ne tsi nón:we thonwanáwis ne ahati'teróntake ne'e kentiohwaké:ron ne'e wahnóníron ne tsi níiorihóten ne e'tho naionhtónhake iah ne'e thia'tekakente eh té:ioht.

Ne ratitiohwaké:ron wahnóní:ron é:so tiótokte tsi kwah naionhtónhake ne tekon'tihánion tsi nón:we enhonwati'téron ne ratiksa'okón:'a (e.g. ronwaten'nikón:rare, kentiohkwaíenm nithoiénsas ratihnóton ne rontorihsentákhwa tekon'tihen tsi nioht tsi karihwasá'anhon iah ne' tiótkon tewé:ne' nahó:ten

ratí:ton, ne'e karihón:ni tenhatirihotárho' tsi iah thiaa'tekákonte tahnnon tsi óni nioht tenhowatísne' ne ratitiohkwakéron wahonni:ron ne' ne'e iorihowánen ne tiótkon e'tho nahotienrénhake tsi nioht wá:ton kahiatonhseráke, iaweronhátié ka'nón:we ne sénha é:so tsi nioht kahia:ton rontkense ontahaterihwá:reke.

Ne ratitiohkwaké:ron thó:tsi ahonnon'heke ne nihonatiéren ne ken' ní:kon kahia:ton ne' ne thó:tsi sénha akaio'tén:ón ne'e ó:ni aionhtentionhátié, é:neken ontakáteke ahatikwatákon ne'e tsi nioht akahiátonke raterihwaserón:ni ne e'tho tiótkon naiá:wén. Ne ratitiohkwaké:ron ne'e wahonni:ron ne' ne sénha é:so teiotionhwentsó:hon ne ónkwe ne ahatiienawahse (e.g. senha é:so enhonwatihnhane ahonwatewieénhsten ne rotio'te ne'e thó:tsi óni iahatiéste ne CFSA tahnnon ne tsi tenhatienste tsi kahia:ton)

Tentewathró:ri tsi nikarihó:tens

Ne ratitiohkwaké:ron ne sahatkén'se thiaa'tekákonte ronwathró:ri tsi teiotionhwentsó:hon ne orí:wa tsi nakaiérake awathroríhake tsi nioht takarihwa'thé:tonhe ne e'tho tahnnon akwé:kon ne rotia'takenhas ne'e karihón:ni tenhotia'táton, enthotiswa'neta ensatikwatá:kon ne'e enhotiiénawase ne ratiksa'okón:'a nithotiién:sas tahnnon ne kahwátsire. Ne'e óni wahonni:ron ne'e ne entkaieritónhake tsi nioht enhontsé:rihste' tahnnon entksaieritónhake, ne'e akwé:kon ronónha enhonawen'hake, iah onhka thaiakoiaréntake nohk ne ronónha tahnnon skáhne enhotio'ten akwé:kon kí:ken nahó:ten karihwáhere.

Akwé:kon ne ratitiohkwaké:ron sénha wahaterihówanahte tsi níiore níjorí:wa kí:ken ne iah ónhka ok' ó:ia aiakoteriéntarake tahnnon ne' óni ne tentewathró:ri tsi nikarihó:ten ne'e watena'tón:ni tsi iorihowá:nen ne kwah tshatekena ne iah ónhka óia aiakoteriéntarake tsi ratiksa'okón:'a tahnnon ne raotihwá:tsire, tahnnon enwathroríhake tsi nón:we ne tiaonhá:'a tioiánere ne enhotia'tórehton ne ratiksa'okón:'a, tsi nioht enhatikwé:ni e'tho naiáwen'ne ne ratitiohkwaké:ron wahonni:ron enwá:ton enhontera:kon ne "tekahkwe'nón:ni ne enhonwatia'tokenha" ne'e tsi nikaié:ra ne wathró:ris tentewathró:ri ne ratiksa'okón:'a tahnnon ne nithotiién:sas ne ratiié:nas kí:ken kaia'takenhátshera tsi nón:we CFSA. Ratiksa'okón:'a, nithotiién:sas tahnnon ne kahwá:tsire wahonthró:ri ne nahó:ten ne ahaterihwáake tsi nikarihó:ten ne kí:ken ahonawénhake, tahnnon awá:ton iaweronhátié kátke enhonateriéntakrake ne ronónha raoterihwake tahnnon tsi nioht ronwaterihwáse.

É:so kí:ken ne ratiksa'okón:'a ne nithotiién:sas tahnnon ne kahwá:tsire rontena'tónó:ni tsi iah tethotí'nikonhri:io ne rotí:ien né:ne tshá:ka rotí'tharákhwen "ahonthró:ri ne ronónha raotiká:ra ne'e iahatí:kon tsi nón:we ne kaia'takenhátshera. Ne'e kwah wathró:ris kí:ken kentiohkwaké:ron ne'e thó:tsi ahotio'ten ne tahontathró:ri ne'e karihón:ni akwé:kon ne' tshá:ka ahotí'nikonhraiénta'ne ne'e karihón:ni kahwatsirakéron iah thateiotionhwentsó:hon ne:ne tshá:ka enhonathroríhake ne nahó:ten rateri'wanónhtha' ne'e óni tiokétat kátke nón:we ronté'niéntha' iahatí:kon ne' kaia'takenhátshera.

É:so kí:ken kentiohkwaké:ron ne'e wahonni:ron ne kaianerénhsera ne'e thó:tsi tahontkánenren ahatoroke ne enhonwathró:ri nahó:ten ó:kon kahia:ton tsi nioht kaiennawáse ne CFSA, ne'e akwah ne iah othénon tehotí:ien.

Tiótkon e'tho neniohtónhake (Shékon ne watewirarakwen)

Akwê:kon ne e'tho ratiiátare ne'e á:re sahonní:ron tsi níiore níiorihowánen ne skáhne ahonnésheke ne kahwá:tsire. Ne'e á:re sahonní:ron ne teiotionhwetsó:hon ne sénha aioiánereke ne CFSA ne ahonnón:ni tsi nón:we ne iah e'tho naiáwen ne enhatikwatá:kon kató:ken tsi nikari:wes tahnnon ne iorihowá:nen ne' eh naionhtónhake ne'e ne ioiánere tsi ahonatesten' ne ratiksa'okón:'a tahnnon ne nithotiiénsas. Ne kentiohkwaké:ron wahonni:ron ne CFSA thó:tsi tonsahatité:ni ne tsi nioht

ronwatiiénawase, akatonkènhake tahnnon ahonnón:ni tsi nioht tahonwatisne’.

Ne ratitiohkwaké:ron roterihwaní:ron tsi nioore niiorihówanen ne ratiksa’okón:’a tahnnon ne nithotiiénsas e’tho nón:we ahonnésheke tsi nón:we ratinàkere tahnnon ne óni ne raotihwátsire, ne’e wahonni:ron ne sénha aioianereke ne e’tho naiáwen’ne ne CFSA aorihwake tahnnon tsi ní:io ratíhsere ne ratitiohkwakéron wahonni:ron aón:ton sénha ahotíio’te ne raotihwát:tsire tahnnon ne roti’nistenho’okón:’a, ne’e ne iosnó:rat tahnnon onteharíhwáreke ahonwatiiénawase tsi nón:we ratí’terón:ton ne sénha ne óia tionaktó:ton.

É:so kí:ken ratitiohkwaké:ron wahatei’wanón:ton ne tokat e’tho naiá:wen tahnnon aiotehnhótó:kwen ne ratiksa’okón:’a tahnnon ne nithotiién:sas raotiríhwake. Ne ratitiohkwá:ien wahonni:ron iorihowá:nen ne tiótikon tahontatkénh ne’e ok’ ne wéntore tsi nihontíérha’.

Ne ratitiohkwaké:ron ne’e wa’thatihtharónnion tahnnon wahonwatiríhon ne aorihwake ne ahontewirarákon ne’e akwah.

- Ne’e ne Ontario aónton ahatikwatá:kon ne CFSA tekéni nahó:ten ne kaianerénhsera – Énska ne ratiksa’okón:’a tahotíia:taton (ne:ne tsi nón:we ratitiiénhaiens raotirí:wa) nóhk ne óia ne:ne ronónha ok’ wahonthótate tsi nón:we rotíien ne orihwáke ne ieksa:’a ka’ok nón:we ahontiwirará:kon tahnnon ne roti’nistenho’kón:’a enhaterihwa’nírate ne e’tho naiá:wen.
- Ne’e tehonatonhwhentsó:ni ahonón:ni ne rotenwirá:wis tsi kahwentsarahstánnion ne’e ne CFSA eh nón:we e’tho nón:we aiónneke ne’e teniontihahaién:take ne ratiksa’okón:’a ronwatiiénnsawá:sas ne ahon’nón:ni tahnnon sénha aioianereke tsi nioht ne rontenwirá:wis ne’e tsi ní:wa kahwentsarahstánnion tahnnon óni ahatinón:wen’e ne e’tho naionhtónhake ne ónen kaianerénhsera rá:tite’, ne’e sénha watíéhsake ne’e ne ahontewirarákon tsi nón:we ne Ontario konwá:iats.
- Ne’e enhatinónwen’ne ne CFSA ne’e sénha aowé:ne’ke ne tsi iohwentsarón:nion tahnnon tsi tekakahsionkwen kahwentsarahstánnion ne’e aorihwake ne Ontario nón:we ne CFSA, ne:ne sénha akowennénhake tsi tahatíia’tórehte (e.g. ne’e akwah ne SAFE tsi ratíteron ahonteweienhste’) ne’e óni ne enwáton enhontkátho tsi nihatíiérha, kató:ken, iaweronhátie ónhka tahnnon iohwentsarónnion tsi nón:we ronwirarákwás.
- Ne’e wahonwathró:ri ne CFSA thó:tsi kató:ten tahnnon kok ní:kon kaianerénhsera aorihwake ne’e ne tahatí’nikónharen ne ónen enwateweienénta’ne ne enhontewirará:kon, tsi nón:we titiotonhwhentsó:hon.

Kaia’takehnhátshere ne Onkwehón:we ratiksa’:a tahnnon ne Nithotiiénha.

Tenwatiswanétas ne Onkwehónwe kaksá:ta tahnnon ne nithotiién:sas tsi nihá:Ti ne Onkwehón:we ne kéntho Ontario é:so tsi teion’ténnion ne’e teion’ténnion ne’e eh nakáiere ne rontkáthos, tsi nioht ienhón:newe tahnnon nahó:ten tehonatonhwhentsó:ni ne’e kénthon (First Nation) Metis tahnnon ne Inuit Onkwe. Nóhk só:tsi é:so kí:ken ratinón:wes ne ne’e enhowatíná:tonhkwe ne’ ahonthró:ri tsi nihotiríhó:ten tsi na’tehontatiente’ri, ne’e wathró:ris nahó:ten raoná:wen tahnnon ne iorihwakwaiénhsons.

- Kaíen é:so ne kaia’takehnhátshera ne onkwehón:we ratiksa’:a tahnnon ne nithotiiénha, ne’e ronahrónken ne ratitiohkwaién, tsi é:so enthonnónhton tsi ronwatíia’takénhas, ne’e ne enshontkátho tsi na’awenhseron ne onkwehón:we raotiríhwake ne’e ne Metsi, Inuit, tahnnon ne Onkwehónwe ne kéntho Ontario.
- Tetsáron ne Onkwehón:we tahnnon ne iah onkwehón:We akwé:kon wahatiríhwahnírate ne

tahatitenionháton ne wá:ton “Indians” native person tahnón ne “Native community ne CFSA. Ne kentiohkwakéron wahonníron ne iaweronhátién nahó:Ten enhonohetste othénón ne tahatíeste, ne’e enhóntste tsi nioht ne Onkwehón:we aoiánéhsera, shé:kon ne nahó:ten kénton ne Aboriginal tsi wátston ne 35 nón:we ioháte ne kwáh éneken tkáte ne kaianerenhséra. Iaweronhátién ne otia’ke ne ratiia’tare, ne’e rón-ton ne akwékon ne e’tho ratiíatáre ne’e á:re sahonní:ron tsi niohé niiorihowánen ne skáhne ahonnésheke teiotonhwentsó:hon ne sénha nioiánereke ne CFSA ne ahonnón:ni tsi nón:we ne iah e’tho naiáwen ne enhatikwatá:kon kató:ken tsi nikari:wes tahnón ahonatésten’ne ratiksa’okón:’a tahnón ne nithotiiénsas. Ne kentiohkwaké:ron wahonní:ron ne CFSA thó:tsi tonsahatité:ni ne tsi nioht ronwatiennénwase, akatonkénhake tahnón ahonnón:ni tsi nioht tahonwatisné’.

- Ne ratitiohkwakéron roterihwani:ron tsi niohé niiorihowánen ne ratiksa’okón:’a tahnón ne nithotiiénsas e’tho nón:we ahonnésheke tsi nón:we ratinákere tahnón ne óni ne raotihwátsire, ne’e wahonní:ron ne sénha aioiánereke ne e’tho naiáwen’ne ne CFSA aoríhwake tahnón tsi ní:io ratíhsere ne ratitiohkwaké:ron wahonní:ron aón:ton senha ahotiio’té ne raotihwátsire tahnón ne roti’nistenho’kón:’a, ne’e ne iosnó:rat tahnón onteharíhwáreke ahonwatiénawase tsi nón:we rati’terón:ron ne sénha ne ó:ia tionaktó:ton.
- É:so kí:ken ratitiohkwaké:ron wahateri’wanón:ton ne tokat e’tho na’ia:wen tahnón aiotehnhótó:kwen ne ratiksa’okón:’a tahnón ne nithotiién:sas raoterihwá:ke. Ne ratitiohkwá:ien wahonní:ron iorihowá:nen ne tiótkon tahontatkénh ne’e ok’ ne wéntore tsi nihontierha’
- Ne ratitiohkwaké:ron ne’e wa’thatihtharónnion tahnón wahonwatiríhon ne aoríhwake ne ahontewirarákon ne’e akwah.
- wáton “Aboriginal” ne’e enhóntste, akwékon wahatirihwahnírate ne enhóntste ne Onkwehón:we “First Nations”, Metis tahnón ne Inuit ne’e sénha ióhton tahnón tkaiéri tsi nioht kahia:ton.
- Ne’e wahatíhiá:ton tahnón wahonnéta nahóten kénton, sénha wéne tahnón akwékon tsi nioht kahia:ton, ne’e karihónni ne ratiksa’okón:’a sénha enhoti’nikonhraiénta’ne tsi nón:we nenthatiháwe ne katóken nioht ronwatiéna’wase (e.g. kahwá:tsire tahnón tsi niionkwariíhon tsi tenhonwatisnien)
- Ken’níkon ne’e wahonníron ne ahonteweíénste ne onkwehónwe raotiwénna tsi nónwe akáake tsi nónwe ne CFSA ne’e onteharíhwáreke aiohtentionhake tahnón ne’e ahonteweíénste ne tso niionkwariíhote, ne’e aionkwani’onhake ónhka ní:’i tsi nitewawennó:ten tahnón tsi nitionkwenon ne onkwehón:we ieksa:’a tahnón aohsa’a takaia’toréhton ne akwékon e’tho nahatí:iere, ahoti’nikonhraién:take tsi nikaianerenhseróte.
- Ne tiotieren’ton ónkwe nithotiiénsas ne ónen wahotkátho ne’e tahatiríhoten ne CFSA thó:tsi ne’e tahatíia’toréhte ne ne tóhsa e’tho naiáwen tahnón ne’e sénha ne’e tahatíia’toréhte ne othénón ahatikwatakón, ne othénón tahontate’nikonhró:ri ne nithotiiénsas, ne’e akwah tsi nón:we iah otheronon tehotí:ien. Ne kaianerenhséra thóhtsi othénón ne onsontónhete ontehatíawá’neta (shékon ne á:se ahotinenhsota’ne) ne nithotiiénsas ne ronatehiáron éron nónwa, tsi nikaíen ronnerhe onsahonhtétsi, ne ónen ronatehiá:ron.
- Ne onkwehónwe tahnón ne iah ne onkwehónwe ronwatiénawase ne’e óni tahatiríhwáreke ronwatiénawa ne’e óni tahatiríhwárke tsi niiorihowánen ne rontanenonhkwe’okón:’a tahnón ahonwatina’tónhahse tsi niionkwariíhote ne’e óni teiotonhwentsó:hon ratinákere tsi nónwe rónnes ne ronateróshons e’tho nónwe awátake teka’tharákwen.

- Tsi nikaíen ronateroteriston tahontewénton ne CFSA ahatikwéni ne e'tho ahóteste ne akwékon ne iah onkwehónwe ne tsi nikaíen ronwatiíenawase, ne onkwehónwe ronwatiíenawase tahnnon ne onkwehónwe tsi nónwe ratíteron ne'e ne ahatikwatako tsi niaáwen ne onkwehónwe ratiksa'okón:'a.
- Wa'thatiténí ne kaianerénhsea ne akaiénawase ne'e ahonnónni sénha onhkwehónwe naiorího'ténhake sénha aioianereke tsi nioht akaiénawahse. Ne'e ne aowé:take ne tsi nioht ahotio'ten tahnnon ahonwatewéienhsten ne tsi niotikwarihó:ten ne'e karihón:ni sénha onkwehónwe naiónhtonke ne ahonwatiíenawase ne onkwehónwe ratiksa'okón:'a nithotiíensas tahnnon ne kahwatsiraké:ron.
- Ne:ne tokat e'tho nón:We enhonwanahtkátwe ne Onkwehónwe Metis tahnnon ne Inuit ratiksa'okón:'a, é:so kí:ken wahonttoke tsi teiotonhwentsó:hon sénha tahatitakwarihte tahnnon sénha óni aka'sátstake ne ónen ahatiri'wanónton ne ronónha ok' rontatenonhkwe tahnnon tsi nioht tahonwatisnien'ne ne aonhá:'a thotirihotákwen néne akahia:toke né:ne tsi nioht tahonwatisnien'ne ne ratiksa'okón:'a ronwatan'nikónrare, e'tho nónwe ienhonwati'téron tsi nónwe ne onkwehónwe ratíteron ne'e karihón:ni enhonnateriéntarake tsi niokwarihóten tahnnon ónhka ní:'i.
- Inuit tahnnon ne Metis ratiátare ne'e wahontkátho tahnnon wahatiri'wanón:ton ne takaténion Part X tsi nón:we ne CFSA ne'e karihón:ni oríhwake enhonnón:ni tsi nioht rontenwirá:wis tahnnon raotihwatsire ne'e tenhonwatisnien'ne ne'e karihón:nni enhontién:take tsi niokwarihó:ten.
- Ne kí:ken ónkwe ne'e ronnére' ne ronónha eh naionhtónhake tsi nioht ne raotinónhsakon ne Office of the Provincial Advocate ratina'tonhkwah, ne'ne ratiksa'okón:'a tahnnon ne ronónha nahó:ten tenhonatonhwentsó:ni ne onkwehónwe, Metsi, Inuit tahnnon ne kaná:takon ratinákere ne onkwehónwe ratiksa'okón:'a tahnnon ne nithotiíensas ne kéntho Ontario.

Ne tsi naiá:wen ne enhatikwatá:kon ne ronónha e'tho nahatíiere ne' ónen enthóntkawe ne kaia'takenhátshera ne Onkwehónwe ta'nón:wa ónen Onkwehónwe ónkwe né:ne skénnon enkénhake.

Ne CFSA é:so kí:ken nahó:ten kahia:ton ne ónen e'tho nahatí:iere ne kentiohkwaké:ron ne thonwana:wis ne kaia'takehnhatshera ta'nón:wa óni othénon aoríhwake tsi nón:we kaianerénhsera ne Onkwehónwe ta'nónwa óni onkwehónwe ratiksa'okón:'a. Ne:ne tió:wis ne kaianerénhsera ne akwékon ne ónkwe ensontkátho ne'e akwah ne kí:ken tekaia'torehton.

Kí:ken nón:wa tsi nioht kawénnare ne'e enionswa'nèta enska ne nahó:ten thotirihotákwen ne CFSA, ne'e ne ahatiiénteren'ne tsi ne onkwehónwe thó:tsi aónton ronónha eh nahatíiere tsi nón:we enwáton'ne, ne ronónha raotiksá:'a tahnnon raotihwatsire aoríhwake, tahnnon akwekon thonwana:wis ne onkwehónwe tahnnon ne onkwehónwe ratiksa'okón:'a tahnnon raotihwatsire ne'e thó:tsi e'tho naiónhtonke tsi ne'e tsi niokwarihó:ten tsi nihononhwentsó:ten tsi nioht tionkwehtahkwen tsi e'tho nioht ne raotihwatsire. "otia'ke nón:wa ne aonhá'a ne enwatena'tonhahse ne toka ne'e enkarake.

- Akwekon wahaterihwaiéna tsi sahontkén'se ne akwekon nahó:ten kahiatónnion ne Part X né:ne CFSA ne iaharékon e'tho nioht tsi ahontkátho. Eh nón: í:wa ne Section 211, enhonwateríhon "ne onkwehónwe tsi nón:we ratinákere ne ahonwateríhon ne onkwehónwe ne'e óni ne ratiksa'okón:'a tahnnon ne kahwatsire ohentonhshon." Iaweronhatie tsi ne senha é:so kahwatsire

ronwatiaa'takehnhas ne Ontario, iah tethoti' nikonhri:io tsi nón:we ne tsi tekakahshionkwen she:kon thonatóktani tsi nón:we onkwehónwe kentiohkwakéron ne: ne onkwehonwe tehonwatiaa:taton.

- Otia'ke wahonni:ron enshónneke ne owenna'okón:'a "tsi nón:we ne enwá:ton" tsi nón:we Section 1 (2) 5 ne kaianerenhsera, ne'e tsi iorihowánen ne onkwehónwe ontahonónhton tsi na'kariho'tenhake ne kahwátsire ronwatienawase.
- Otia'ke wahonniron tsi nioht enhaterihwa'ní:rate ne Section 213 tahnnon 213.1 néne enio'nikonhraiéntaske' tahnnon wé:ne nahó:ten nen' ne ne "tahahitháren." Ne onkwehonwe ne'e aonha:'a ne nahó:ten wahonni:ron ne senha aioianereke tsi nioht ahonwatihró:ri tahnnon tahatitháren akwé:kon tsi nikaíen ronwatienawase' ne onkwe tsi nikaíen ratiíatáre tsi nón:we thonahtentionkwen ne'e oni wahonni:ron ne tsi nioht ronwatiaa'takehnhas iah tekáhsere tsi nioht rotikwatakwen.
- Ne rtitiohkwaiénton wahonníron toka ne CFSA ahonnèta ne thiaa'tekakonte ahonwatihró:ri ne onkwehónwe tahnnon ó:ia onkwehonwe tsi nón:we rati'terónton ne aorihwake ne raotiksáta ne onen é:ron nón:we tehonwatisnie' e'tho nón:we e'h nioht tsi akahiatonke ne tsi non:we ratinakere tahnnon tsi tehonatekhánion. Ne kí:ken katke enhonthró:ri tsi niaawen'onhatie e'tho nón:we néntewe ne senha aioianereke tsi nihonwatisnie' tahnnon ahaterihwatshenri tsi nioht ne onkwehonwe ratiksa'okón:'a.

Ne ó:ia tsi iensatiráta'ne...

Tsi nioht wahatirihwatshenri ne 2105 ne onen sahontkátho ne ratiksa'okón:'a tahnnon ne kahwátsire ronwatienawase kaianerenhsera. Ne'e tioianéha tsi nioht tehotiaa'toréhton thonatkáwen akwékon tsi ní:kon ratiíatáre. Tsi nioht wahatiéna ne ronwatihró:ris kahiatonhserake nontáwe tahnnon é:so tsi wathati'tharónnion ne'e tsi niiorihwákste tahnnon sewatiéren é:ron ok' nón:we ietioratá:'on tekarihwakèhnhen tsi nioht ontahontiswá'nèta ne onen enthati:ren ne aiorihowanénhake tsi nioht tenhonwatisnie' ne kenthó Ontario ratiksa'okón:'a tahnnon nithotiiénsas.

Ne tsi tekntihanion tsi nihatiwennó:tens tahnnon é:so wahontkátho, tsi na'tekontihanion ne nahóten roti'tharahkwen, thanon ne aorihwake tsi nioht wathaterihwáserakon onwa ne'e shon'tkenses, iorihowanen ki: non:wa tsi nioht tekaia'torehton ne'e ok ne watena'tón:ni tsi nikaíen aonha:'a karihwaró:ron, ne'e senha ne wa'karihwénta'ne tsi nioht tsi wahontkátho tsi nikon thonatkáwen ne ratitiohkwaiénton. Senha wé:ne' tsi nioht tehoti'tharákwen.

Tsi nioht ne iorihowánen akwekon tenkaio'torénhton ne nahó:ten nioht thonwanáwis ne'e ne eh nón:we enhonnèta tsi ne minister tahnnon ne Ministry tsi nón:we tenketeniónhake ne kaianerenhsera tahnnon wahaterihwa'nírate tsi nioht enioterihwatentionhake ne onkwaio'ténhsa ne ne'e enhotiaa'tokehnha ne ratiksa'okón:'a tahnnon nithotiiénsas ne kenthó Ontario.

Nia:wén ne tewen'niawen katokénhaton tahnnon ratitiohkwaiénton ne Ontario nón:we tahnnon tahontkawe tsi nioht wahontkátho tsi oni non:we wa'thonthétste tahnnon tsi thateweientehta'te ne 2015 Sahontkense ne *ratiksa'okón:'a tahnnon ne kahwátsire ronwatienawase kaianerenhsera.*